

Ո Ր Ո Շ ՈՒ Մ թիվ-206
Վարչական տույժ նշանակելու մասին

«23» սեպտեմբերի 2020թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով Գարիկ Գրիգորիի Դավթյանի վերաբերյալ նյութերը.

Պ Ա Ր Զ Ե Ց Ի `

2020 թվականի օգոստոսի 06-ին ՀՀ ՊԵԿ ՄԴՊ վարչության աշխատակիցները Մեղրիի մաքսային կետ-բաժնի տարածքում իրականացված մաքսային հսկողության արդյունքում գննության է ենթարկվել ԻԻՀ-ից ՀՀ ժամանած, ՀՀ քաղաքացի Գարիկ Գրիգորիի Դավթյանի կողմից շահագործվող «Կամազ» մակնիշի, 34RR645/2530AP հաշվառման համարանիշի բեռնատար ավտոմեքենան և ցեմենտի պարկերի արանքներում հայտնաբերել, մաքսային հսկողությունից թաքցնելով, ՀՀ մաքսային սահմանով տեղափոխված թվով 24 մետաղյա տարաների մեջ, ընդհանուր 88,8 կգ քաշով յուղ:

Փաստի առթիվ Գարիկ Դավթյանի նկատմամբ կազմվել է ՀՀ մաքսային օրենսգրքի 201-րդ հոդվածի հատկանիշներով մաքսային կանոնների խախտման վերաբերյալ արձանագրություն, իսկ հիշյալ թվով 24 մետաղյա տարաների մեջ, ընդհանուր 88,8 կգ քաշով յուղը վերցվել և ի պահ է հանձնվել «Ագարակ Տերմինալ» ՍՊ ընկերության ժամանակավոր պահպանման պահեստ:

Գարիկ Դավթյանը 19.08.2020թ. ծանուցագրով 2020 թվականի օգոստոսի 25-ին հրավիրվել է ՀՀ ՊԵԿ իրավաբանական վարչություն իր նկատմամբ սկսված վարչական գործի վարույթին մասնակցելու համար՝ միաժամանակ նախազգուշացվելով, որ ՀՀ մաքսային օրենսգրքի 219-րդ հոդվածի համաձայն՝ չներկայանալու դեպքում վարչական գործի վարույթը կիրականացվի առանց իր մասնակցության, սակայն վերջինս չի ներկայացել:

Վարչական վարույթի ընթացքում հարցում է կատարվել ՀՀ ՊԵԿ Հարավային մաքսատուն-վարչություն, որտեղից ստացված 26.08.2020թ. գրության համաձայն՝ ՀՀ քաղաքացի Գարիկ Դավթյանի կողմից շահագործվող «Կամազ» մակնիշի, 34RR645/2530AP հաշվառման համարանիշի բեռնատար ավտոմեքենայում հայտնաբերված, «Ագարակ Տերմինալ» ՍՊ ընկերության ժամանակավոր պահպանման պահեստում գտնվող ընդհանուր 88,8 կգ քաշով յուղը «բացթողում ներքին սպառման համար» մաքսային ընթացակարգով 06.08.2020թ. հայտարարագրելու դեպքում մաքսային արժեքը կկազմեր 120720 ՀՀ դրամ, մաքսային վճարները կկազմեին ընդհանուր 82855 ՀՀ դրամ, որից մաքսատուրք՝ 2414 ՀՀ դրամ, ակցիզային հարկ՝ 44500 ՀՀ դրամ, ԱԱՀ՝ 33527 ՀՀ դրամ, բնապահպանական վճար՝ 2414 ՀՀ դրամ: Արգելքներ, սահմանափակումներ և ոչ սակագնային կարգավորման միջոցներ չեն կիրառվում:

ԵԱՏՄ մաքսային օրենսգրքի 2-րդ հոդվածի 1-ին մասի 25-րդ կետի համաձայն՝ «Միության մաքսային սահմանով ապրանքների անօրինական տեղափոխում է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման

կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով եւ (կամ) նույնականացման կեղծ կամ այլ ապրանքներին վերաբերող միջոցներ օգտագործելու միջոցով:

ՀՀ Մաքսային օրենսգրքի 189-րդ հոդվածի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

Գարիկ Դավթյանը 07.09.2020թ. ծանուցագրով 2020 թվականի սեպտեմբերի 23-ին հրավիրվել է ՀՀ ՊԵԿ իրավաբանական վարչություն՝ իր նկատմամբ սկսված վարչական գործի քննությանը մասնակցելու համար, սակայն վերջինս չի ներկայացել: ՀՀ մաքսային օրենսգրքի 219-րդ հոդվածի համաձայն՝ գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Այսպիսով, նյութերով պարզվել է, որ 2020 թվականի օգոստոսի 06-ին ՀՀ քաղաքացի Գարիկ Դավթյանը, մաքսային հսկողությունից թաքցնելով, ապրանքների հայտնաբերումը դժվարացնող եղանակով, իր կողմից շահագործվող «Կամազ» մակնիշի, 34RR645/2530AP հաշվառման համարանիշի բեռնատար ավտոմեքենայում տեղադրված ցեմենտի պարկերի արանքներում, ՀՀ մաքսային սահմանով տեղափոխել է 120720 ՀՀ դրամ մաքսային արժեքով թվով 24 մետաղյա տարաների մեջ, ընդհանուր 88,8 կգ քաշով յուղ, այսինքն՝ թույլ է տվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ կազմված արձանագրությամբ և ՀՀ ՊԵԿ Հարավային մաքսատուն-վարչության 26.08.2020թ. գրությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ հոդվածով, 206 և 221 հոդվածներով,

Ո Ր Ո Շ Ե Ց Ի՝

1. Գարիկ Գրիգորիի Դավթյանին (ծնված՝ 22.03.1987թ., ՀՀ քաղաքացի, բնակվող՝ Արցախի Հանրապետություն, ք. Ստեփանակերտ, Նաբերեժնայի փող., 25-րդ տուն,

անձնագրի համարը՝ AT0437231) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային սահմանով տեղափոխված ընդհանուր՝ ընդհանուր 88,8 կգ քաշով յուղի մաքսային արժեքի չափով՝ 120720 ՀՀ դրամ: /900005024055 (կող-19) հաշվեհամարին/

2. Վերցված ապրանքները կարող են վերադարձվել մաքսային ձևակերպումները կատարելուց, տուգանքի վճարումից, մաքսային վճարների և պարտավորությունների կատարումից հետո՝ մեկ աշխատանքային օրվա ընթացքում:

3. ԵԱՏՄ Մաքսային օրենսգրքի 98-րդ հոդվածի 4-րդ մասի համաձայն որոշումն ուժի մեջ մտնելու օրվան հաջորդող օրվանից ոչ ուշ, քան 10 օրացուցային օրվա ընթացքում վերցված ապրանքները պետք է հանձնվեն ժամանակավոր պահպանման:

4. Որոշման մասին հայտնել Գ. Դավթյանին՝ պարզաբանելով, որ ՀՀ մաքսային օրենսգրքի 221-րդ հոդվածի համաձայն՝ որոշումն ուժի մեջ է մտնում կայացման պահից և «Վարչարարության հիմունքների և վարչական վարույթի մասին» ՀՀ օրենքի 71 հոդվածի համաձայն՝ 2 ամսվա ընթացքում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքի 72-րդ հոդվածի 1-ին մասին 1-ին կետի համաձայն՝ 2 ամսվա ընթացքում ՀՀ վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**



ԱՐՄԱՆ ՄՆԱՅԱԿԱՆՅԱՆ